

ثابرات ن بُولوس اِثِثُوس

ثامزواروٿ

1 اِبوْلوس، اِسمِغ ن اِربِّي ذ وُمازان ن يشو لَمَسِيح، علاَحساب اِبريد ن لايمان ن اِمخِطارن ن اِربِّي ذ ثُموسنا اِمونن ن ثيدت اِلاَن ذِڪ وُوقار ن ثشُوني، 2 ذِڪ وُسيشم ن ثوذارت ن لَبدا ثِي ثُوغا زِي اِواعذ اِربِّي، وِني وار اِعدَلن اذ اِسخارِق، قبل ما اذ اِلين ذين اِكوذن ن لوقت قبل، 3 وُشا اَقا اِبارِڪب اِوال نس ذِي لوقت نس س ثبارِحت ن لخبِار اَصْبَحان اذ اِبي اِتاواوِكلن علاَحساب لومورن ن اِربِّي، اَمسَنجم نغ. 4 اِثِثُوس، اَحنجير اِنو ذ ثيدت علاَحساب لايمان نغ اِشارشن 'نِيعمت ذ اِرحمت زِي اِربِّي ثاباباٿ وُ زِي سِيذِي يشو لَمَسِيح، اَمسَنجم نغ.'

ثاسخارث ن ثِثُوس ذِي كَرِثا

5 خ وُني جِيع شك ذِي كَرِثا، جِيعا اذ ثعدلذ مِين ثُوغا عاذ اِتِخَص وُ جِيعا اذ ثِسْكَاعذ اِمغارن ذِي كُول ثانذِينت، اَم مامش شك وُ مورغ، 6 اِمغارن اِنِي وار ذِي اِلي لَعِيب، اِنِي غارسن اِشت ن ثمعارث وُ غارسن ثاروا تامنن اِنِي وار خ اِتِواطَف وُ شِثِي زِي جِيعت ن وُفوشِخ وُلا ذ ثاغنانت. 7 مِينزِي اِتِخَص اِوَمِحْضايي اذ اِيلي تَبِلا لَعِيب اَمشناو اُوِكِيل ن اِربِّي، وار ذايِس اِتِيلي وُ عَفار نِيع زَعاف، وار اِسس شِراب نِيع اِتْكَ صَدع وُلا وار يارزو اذ ياربح س لَعش، 8 ماشا اَقا يارحب س اِنوجيون، اِنخس مِين اَصْبَحن، اِبد خ وُزليف نس، اَقا-ث ذ اَمسْكَاذ، ذ اَمقداس، اِحْكم خ اِخف نس، 9 اذ اِطَف ذِڪ وِوال اَصْدِيق اَم مامش ذ اس اِتاوسلمذ، جِيعا اِقد اذ اِشجع لومومين وُلا اذ اِسْغذ ثاروا ن بو-ثغنانت س ثغوري ن صاح. 10 مِينزِي اَقا ذين اَطاس ن ثاروا ن بو-ثغنانت ذ اِيت بو-اِخارِيقن ذ اِغشاشن، غار وُمزوارو نسن ذ اِنِي زِڪ وُخثان. 11 اِتِخَصا اذ اسن اِتاوقن وُفوموم، مِينزِي س وُسلمذ نسن ا وار اِشووارن، اَقا قلعن خ ثواشونين مارا، لامِي اِرزون نِيشِي خ اِرْبِخ س لَعش. 12 اِجَن زايسن، اَقا-ث ذ اَمكاشاف، ثُوغا اِنَا "اِكْرِيشِين نِيشِي لَبدا ذ اِيت ن بو-اِخارِيقن ذ لوخوش اِعْفانن ذ اِعْدِيسن اِفِينيانن". 13 شهادت-ا ذ ثيدت. خ وُني وِبح اَسن س جِهذ، جِيعا اذ اِلين ذ اِصْحاحن ذِي لايمان، 14 وار تيشن شا ثائِيث اِثُوجان وُذايِن ذ ثيوَصا ن اِوذان

إِنِّي إِوْشِين س وَعُرُورٍ إِثِيدت. ¹⁵ إِإْمَزْدَاك مَارَا ذ نَارْذُوکِي، ماشا إِإِنِّي إِتَوَاحْمَجَن ذ إِنِّي وار يُوْمِين، إِيَيْتِي وَلا ذ إِشْت ن لِحَاحْت بِيْزِيْک، ماشا يَيْتِي تَوَاحْمَجَن ذِي لَعْلَق وَلا ذِي تَنْفَسْت نَسْن. ¹⁶ إِوْذَان-ا تَارَان إِخْف نَسْن بَلِي سَنَنْ أَرِّي، ماشا نَكَارَن ت س لَخْدَايَم نَسْن، يَاعُوْث مِيْن تَكْن، أَقَا وار طَاعِن، وار نَفَعَنْ وَلا إِإِشْت ن لَخْدَمْت تَصْبَح.

ثَاغُورِي ن صَاح إِتْمَسْمُونَت ن لَمْسِيح ذِي كَرِيْثَا

2 ¹ ماشا شك سيول مِين إِتْلِيَقِن إِتْعُورِي ن صَاح. ² إِتَحَصَّ إِوْمَارَن أَذِ الْيْن هُوْذَن، أَذِ كُيُورَن س وَوَقَارْ ذ وَتَبْت، س لِإِيْمَان ن صَاح ذ تَائِرِي وَ س صَبَار. ³ أَذِ الْيْنَت تَمْعَارِيْن كُورَنت أَم مَامَشْ ذ إِتَاس إِتْمَقْدَاسِيْن، وار تَشَقِيْفَنَت شَا، وار وَشِيْنَت إِ بِيْئُو، سَلْمَاذَنَت مِيْن إِصْبَحَن، ⁴ حِيْمَا أَذِ شَجَعَنَت تِيْمَعَارِيْن تِيْمَزِيَانِيْن أَذِ خَسَنَت تَارُوا نَسَنَت ذ يَرِيَازَن نَسَنَت، ⁵ وَشَا أَذِ ذَايَسَنَت يِيْلِي وَتَبْت ذ تَارْذُوکِي، أَذِ قَابَالَنَت لَخْدَمْت ن تَاذَارَت، أَذِ الْيْنَت شَنَانَت، أَذِ كُنْت أَرَاي إِ يَرِيَازَن نَسَنَت، حِيْمَا وار إِتَوَاشَقَفْ شَا ذَكْ وَاوَال ن أَرِّي.

⁶ شَجَعْت عَاوْذِ إِبْلِيْعِن حِيْمَا أَذِ كُيُورَن س وَتَبْت. ⁷ أَهْتَّ إِخْف نَكْ ذِي مَارَا ذ لَمَائَال ن لَخْدَايَم تِيْصَبْحَانِيْن وَ ن وَسَلْمَدَ إِصْفَان أَكْ-ذِ وَوَقَارْ وَ نَبَلَا لَغَشْ، ⁸ س وار قَاسِ إِشْنَان وار إِزْمَارْ أَذِ زَايَسِ إِبَارَقِ بُو-تَغْنَانَت حِيْمَا وار خَانِغِ إِتْعِيُوِيْذِ شَا تُوْعَفْنَا. ⁹ شَجَعْ إِسْمَعَانِ حِيْمَا أَذِ طَاعِنِ إِأَيْبَابِ نَسْن، أَذِ اسْنِ أَرْضَانِ ذِي مَارَا، وار تَن تَعَكْسَن، ¹⁰ وار تَاشَارَن، ماشا أَذِ سَشَنَن لَمَانْت نَسْن إِشْنَان، حِيْمَا ذِي مَارَا أَذِ الْيْنِ ذِ تَاَسَدَسْت تَاَصَبْحَانَتِ إِتْعُورِي نِ أَرِّي، أَمَسْنَجْمِ نَع.

¹¹ مِيْزِي تِيْعَمْت نِ أَرِّي إِ دِ إِتَاوِيْنِ أَسْنَجْمِ إِ مَارَا إِوْذَان، أَقَا تَفْع-د، ¹² حِيْمَا أَذِ انِغِ تَارَبَا مَاحَنْدَ أَذِ نَتَجْ لِقْجَاحْتِ ذِ نَشَوَاتِ نِ دُوْنِيْث، حِيْمَا أَذِ نَدَارِ ذِي دُوْنِيْث-ا سِ وَتَبْتِ ذِ تَسْكَذَا أَم مَامَشْ إِخْسِ أَرِّي، ¹³ أَم نَتْرَا جَا أَسِيْشْمِ ذِ وَسَارْكَبِ نِ وَغُولِي نِ أَرِّي أَمْقَرَانِ ذِ وَمَسْنَجْمِ نَع، يَشُو لَمْسِيح، ¹⁴ وَتِي إِ خَانِغِ إِوْشِيْنِ إِخْفِ نَسْ، مَاحَنْدَ أَذِ انِغِ إِسَلْكَ زِي مَارَا مِيْنِ إِالَانِ ضِيْدَ نِ تَاوَرَاتِ، حِيْمَا أَذِ إِسِيْزْذَكْ إِ يِيْخَفِ نَسْ إِجِ نِ وَبِيْذُوذِ إِمَحْضِنِ إِ لَخْدَايَمِ تِيْصَبْحَانِيْن. ¹⁵ سِيُولِ خِ مَانِ أَيَا، زِيْبَارْ وَ وَبِيْخِ سِ مَارَا جَهْدْ، وار تَجِي حَدْ أَذِ شَكِ إِسْحَقَار.

3 اسعقل اِثْن، ماحنذ اذ كُنَّ اَرَاي اِ لِحُوَكَّام وُ اِ صُولَاطَا، اذ اسن طَاعن، اذ اِ لَيْن وِجْدَن اِ كُول لُخْدَمَث ثاصِبْحَانَت، ² وار شَقْفَن ذِي حد، وار تَمَشُوْثُوشَن، اذ اِ لَيْن ذ اِ مَضْرَاف وُ شَا اذ سَشْنن مَارَا ثامْهِيْنَت اِ مَارَا اِ وُذَان. ³ اَقَا وُلا ذ نَشْنن زِيْش ثُوغَانغ ذ اِ فِغَال، وار ذَايْنغ بُو طَاعَث، نوْدَار، اَقَانغ ذ اِ سَمْغَان ن عِلَام كُول نَشَوَاث ذ شَهَوَاث، ثُوغَا نَدَار ذِي ثُوغَفْنَا وُلا ذِي لِحْسَد، ذَايْنغ اَشْرَاه وُ شَا نَشَارَه اِ جْن وَنَضْنِي. ⁴ ماشا حَمِي ثَبَان لَضْرَافَث ذ ثَايْرِي اِ وُذَان ثَنِي اِلَان زِي اَرَبِي، اَمْسَنْجَم نَغ، ⁵ اَقَا اِسَنْجَم اَنْغ، وار اِ لِي عِلَا حَسَاب لُخْدَايْم ن نُسْكَذَا اِ نَكَا، ماشا عِلَا حَسَاب اَرْحَمَث نَس س وُ سِيْرِذ اِ اِلَان ذَكْث وَخِلَاق ن جَزِيْذ ذ وُ لَقَم ن جَزِيْذ (=ثَا جَزِيْذَث) زِي اَرُوْح اِقْدَسَن، ⁶ وُ نِي اِ خَانغ اِفَارْغَن س وُ فَيَض س يَشُو لَمْسِيْح، اَمْسَنْجَم نَغ، ⁷ جِيْمَا، اَم نَتَوَا سَكْذ س نِيْعَمَث نَس، اذ نَذُول ذ اِ وُرِيْشَن عِلَا حَسَاب اَسِيْشَم ن ثُوذَارَث ن لَبْدَا. ⁸ اَوَال-ا ذ اَصْدِيْق وُ شَا نَش تَخْسَع اذ ثُكَارْذ اذ ثَبْدْذ س جَهْد اِ مَان اِيَا، جِيْمَا اِنِّي اِتْشَلَن خ اَرَبِي، اذ مَحْضَن ماحنذ اذ شَبَارَن لَبْدَا ذِي لُخْدَايْم ثِيصْبَحَانِيْن، ثَنِي اِشْنَان وُ ذَايْنَسْت نَفَاع اِ وُذَان. ⁹ ماشا بَعْدْذ خ وُ مَحَارُوْض اَبُوْهَالِي ذ ثَا صِيْلَاث ذ وُ مَنَغِي ذ اِمَشُوْبَاشْ خ تَاوْرَاث مِيْنَزِي وار ذَايْس بُو نَفَاع، اَقَا مَان اِيَا ذ باطل ¹⁰ مالا ذِيْن حد اِسْبَطَا، اِتْخَصَا كَنْبُو اذ اس ثَاكِيْم اَوَارِنِي لَامِي ثُوْبَخْم ث اِشْت ن ثُوْالَا وُ اِشْت ن ثُوْالَا نَضْنِي. ¹¹ اَقَا ثَسْنَم بَلِي وَايْنَا ذ اَمْفَارِيَاض، اَقَا نَتَا اِ حْطَا وُ شَا ذَكْث وُ مُوْر ذ اِ جْن اِتْوَا حَسَاب زَكْث يِيْحَف نَس.

اَوَال ذ وُسْلَم اَنْكَارُو

¹² خ مِيْنِي اِ غَارْكَ-د غَا سَقَاذَغ اَرْتِيْمَاس نِيْغ ثِيْشِيْكُوْس، اَكْث ثِيْرَمَار ماحنذ اذ غَارِي-د ثَا سَذ ذَغْيَا غَار نِيْكُوْبُوْلِيْس، مِيْنَزِي اَقَا كَنْغ اذ ذِيْن سَعْدُوْغ لَمَشْثَا. ¹³ زِنَاس، اَمْسَلْمَاذ ن تَاوْرَاث، ذ اَبُوْثُوْس، اُوْيم ثن-د ذَكْث وُ بَرِيْذ ذَغْيَا، جِيْمَا وار ذ اسن اِتْخَصِي وُلا ذ اِشْت ن ثَمْسَلَاشْت. ¹⁴ اَحْقَا وُلا ذ اِنِّي نَغ اَجْ اِثْن اذ لَمْدَن ماحنذ اذ شَبَارَن لَبْدَا ذِي لُخْدَايْم ثِيصْبَحَانِيْن اِتْخَصَان اِ ثَارْزَفْت، جِيْمَا وار ذ تِيْلِيْن ثَبَلَا لَغِيْلَث. ¹⁵ مَارَا وِي اَكِيْذِي ذَايْنَا ثَسْلَامَن خَاك. سَلْم عَاوْذْ خ اِنِّي اِ ذ اَنْغ اِتْخَسَن ذِي لايْمَان. نِيْعَمَث اذ كِيَوْم ثِيْلِي مَارَا اِ ذُوْم!